

**1020**

Na osnovu člana 24. stav 1. tačka c) Ustava Tuzlanskog kantona („Službene novine Tuzlansko-podrinjskog kantona”, br. 7/97 i 3/99 i „Službene novine Tuzlanskog kantona”, br. 13/99, 10/00, 14/02, 6/04 i 10/04), na prijedlog Vlade Tuzlanskog kantona, Skupština Tuzlanskog kantona, na sjednici održanoj 21.10.2021. godine, donosi

**ZAKON**  
**O IZMJENAMA I DOPUNAMA ZAKONA O**  
**IZVRŠENJU BUDŽETA**  
**TUZLANSKOG KANTONA ZA 2021. GODINU**

**Član 1.**

U Zakonu o izvršenju Budžeta Tuzlanskog kantona za 2021. godinu („Službene novine Tuzlanskog kantona”, br. 1/21 i 12/21) u članu 38. iza stava (8) dodaje se novi stav (9), koji glasi:

„(9) Izuzetno od stava (6) ovog člana, pismenu saglasnost za novo zapošljavanje u oblasti pravosuđa u slučaju odlaska u penziju zaposlenika, internog premještaja ili preuzimanja i privremenog preuzimanja zaposlenika daje Ministarstvo pravosuđa i uprave, uz prethodno pribavljeno mišljenje Ministarstva finansija. Ministarstvo pravosuđa i uprave obavezno je odlučiti o davanju saglasnosti u roku od osam dana od dana prijema zahtjeva korisnika.“

**Član 2.**

U članu 69. u stavu (1) iza tačke 17. dodaje se nova tačka 18., koja glasi:

„18. Sufinansiranje nabavke laboratorijske opreme Javnoj ustanovi Veterinarski zavod Tuzlanskog kantona, subanalitika EBE400 - potrošačka jedinica 14010001 - Ministarstvo poljoprivrede, šumarstva i vodoprivrede.“

Dosadašnje tačke 18. do 48. postaju tačke 19. do 49.

U stavu (1) u tački 18., koja postaje tačka 19., iza riječi „sredstva“ dodaju se riječi „i budžetska sredstva (izvor 10)“.

**Član 3.**

U članu 71. u stavu (4) iza riječi „Unija civilnih žrtava rata i porodica civilnih žrtava rata Tuzlanskog kantona“ dodaju se riječi „Radničko sportsko društvo „Sloboda“ Tuzla - Kuća sporta, Fondacija Istina Pravda Pomirenje“.

Stav (9) mijenja se i glasi:

„(9) Raspored sredstava iz člana 69. tačka 10. vrši se u skladu sa Zakonom o podršci nedovoljno razvijenim, nerazvijenim i izrazito nerazvijenim jedinicama lokalne samouprave u Tuzlanskom kantonu („Službene novine Tuzlanskog kantona”, broj: 16/20).“

**Član 4.**

U članu 72. iza stava (6) dodaje se novi stav (7), koji glasi:

„(7) Sredstva iz člana 69. tačka 18. odobravaju se odlukom o sufinansiranju nabavke laboratorijske opreme Javnoj ustanovi Veterinarski zavod Tuzlanskog kantona Tuzla koju donosi Vlada Kantona, na prijedlog resornog

ministarstva, po prethodno dostavljenom zahtjevu i projektu Javne ustanove Veterinarski zavod Tuzlanskog kantona Tuzla.“

**Član 5.**

U članu 73. u stavu (1) broj „18“ zamjenjuje se brojem „19“.

U stavu (2) broj „19“ zamjenjuje se brojem „20“.

**Član 6.**

U članu 74. broj „20“ zamjenjuje se brojem „21“.

**Član 7.**

U članu 75. u stavu (1) broj „21“ zamjenjuje se brojem „22“.

U stavu (2) broj „22“ zamjenjuje se brojem „23“.

**Član 8.**

U članu 76. u stavu (1) broj „23“ zamjenjuje se brojem „24“.

U stavu (2) broj „24“ zamjenjuje se brojem „25“.

U stavu (3) broj „25“ zamjenjuje se brojem „26“.

**Član 9.**

U članu 77. u stavu (1) broj „26“ zamjenjuje se brojem „27“.

U stavu (2) broj „27“ zamjenjuje se brojem „28“.

U stavu (3) broj „28“ zamjenjuje se brojem „29“.

U stavu (4) broj „29“ zamjenjuje se brojem „30“.

U stavu (5) broj „30“ zamjenjuje se brojem „31“.

U stavu (6) broj „31“ zamjenjuje se brojem „32“.

U stavu (7) broj „32“ zamjenjuje se brojem „33“.

U stavu (8) broj „33“ zamjenjuje se brojem „34“.

**Član 10.**

U članu 78. u stavu (1) broj „34“ zamjenjuje se brojem „35“.

U stavu (2) broj „35“ zamjenjuje se brojem „36“.

U stavu (3) broj „36“ zamjenjuje se brojem „37“.

U stavu (4) broj „37“ zamjenjuje se brojem „38“.

U stavu (5) broj „38“ zamjenjuje se brojem „39“.

U stavu (6) broj „39“ zamjenjuje se brojem „40“.

U stavu (7) broj „40“ zamjenjuje se brojem „41“.

**Član 11.**

U članu 79. u stavu (1) broj „41“ zamjenjuje se brojem „42“.

U stavu (2) broj „42“ zamjenjuje se brojem „43“.

U stavu (3) broj „43“ zamjenjuje se brojem „44“.

**Član 12.**

U članu 80. u stavu (1) broj „44“ zamjenjuje se brojem „45“.

U stavu (2) broj „45“ zamjenjuje se brojem „46“.

**Član 13.**

U članu 81. u stavu (1) broj „46“ zamjenjuje se brojem „47“.

U stavu (2) broj „47“ zamjenjuje se brojem „48“.

U stavu (3) broj „48“ zamjenjuje se brojem „49“.

#### Član 14.

Iza člana 81. dodaje se novi član 81a., koji glasi:

„Član 81a.

(Sredstava podrške iz Budžeta Federacije BiH-  
sredstva MMF)

(1) Sredstva od podrške iz Budžeta Federacije Bosne i Hercegovine (sredstva MMF-a) planirana su kao transfer od Federalnog ministarstva finansija na prihodovnoj strani i raspoređena kao budžetska sredstva iz izvora 10 u Posebном dijelu Budžeta.

(2) Sredstva iz stava (1) ovog člana planirana su za opću podršku Budžetu zbog nedostatka redovnih budžetskih prihoda nastalih kao posljedica proglašene pandemije COVID-19, a koristit će se za namjene utvrđene Ugovorom o dodjeli potpore iz Budžeta Federacije Bosne i Hercegovine broj: 09-11-6-2-6964-U-K3/21 od 06.09.2021. godine.

(3) Sredstva iz stava (2) ovog člana izvršavat će se za potrebe nastalih obaveza i rashoda iz izvora 10 u Posebном dijelu Budžeta i po dinamici utvrđenoj odlukom koju donosi Vlada Kantona, na prijedlog Ministarstva finansija.“

#### Član 15.

Ovaj zakon stupa na snagu danom objavljivanja u „Službenim novinama Tuzlanskog kantona“.

Bosna i Hercegovina Predsjednik  
- Federacija Bosne i Hercegovine - Skupštine Tuzlanskog kantona  
TUZLANSKI KANTON

Skupština

Broj: 01-02-598-4/21

Tuzla, 21.10.2021. godine

Sladjan Ilić, v.r.

### 1021

Na osnovu člana 24. stav 1. tačka c) Ustava Tuzlanskog kantona („Službene novine Tuzlansko-podrinjskog kantona“, br. 7/97 i 3/99 i „Službene novine Tuzlanskog kantona“, br. 13/99, 10/00, 14/02, 6/04 i 10/04), na prijedlog Vlade Tuzlanskog kantona, Skupština Tuzlanskog kantona, na sjednici održanoj 21.10.2021. godine, donosi

## ZAKON

### O IZMJENI ZAKONA O ORUŽJU I MUNICIJI

#### Član 1.

U Zakonu o oružju i municiji („Službene novine Tuzlanskog kantona“, br. 17/15, 5/16, 17/17 i 8/20), u članu 79. stav (2) mijenja se i glasi:

„(2) Lica koja u trenutku stupanja na snagu ovog zakona imaju oružni list za držanje i nošenje oružja izdat od nadležnog organa u Bosni i Hercegovini, u skladu sa Zakonom o nabavljanju, držanju i nošenju oružja i municije („Službene novine Tuzlanskog kantona“, br. 11/08, 14/09, 4/10, 11/11 i 17/13), a čiji rok važenja je istekao ili oružni list izdat po propisima koji su bili na snazi prije stupanja na snagu navedenog zakona, mogu podnijeti zahtjev

za izdavanje oružnog lista u skladu sa ovim zakonom, najkasnije šest mjeseci od dana stupanja na snagu ovog zakona, izuzev imalaca oružja čije je oružje oduzeto, uništeno ili prodato.“

#### Član 2.

Ovaj zakon stupa na snagu narednog dana od dana objavljivanja u „Službenim novinama Tuzlanskog kantona“.

Bosna i Hercegovina  
- Federacija Bosne i Hercegovine -  
TUZLANSKI KANTON

Skupština

Broj: 01-02-592-4/21

Tuzla, 21.10.2021. godine

Predsjednik  
Skupštine Tuzlanskog kantona

Sladjan Ilić, v.r.

### 1022

Na osnovu člana 24. stav 1. tačka n) Ustava Tuzlanskog kantona („Službene novine Tuzlansko-podrinjskog kantona“, br. 7/97 i 3/99) i „Službene novine Tuzlanskog kantona“, br. 13/99, 10/00, 14/02, 6/04 i 10/04), a u vezi sa članom 14. stav (1) i članom 15. stav (1) Zakona o javnim priznanjima Tuzlanskog kantona („Službene novine Tuzlanskog kantona“, broj: 14/15), na prijedlog Komisije za izbor i imenovanja Skupštine Tuzlanskog kantona, Skupština Tuzlanskog kantona, na sjednici održanoj 21.10.2021. godine, donosi

## ODLUKU

### O DODJELI JAVNOG PRIZNANJA „POVELJA TUZLANSKOG KANTONA“

#### I.

Fati Orlović dodjeljuje se javno priznanje „Povelja Tuzlanskog kantona“ za poseban doprinos i postignute rezultate u zaštiti i afirmaciji ljudskih prava i sloboda garantovanih međunarodnim konvencijama, ustavom i zakonima, te unapređenju demokratije, suživota, afirmacije ugleda Kantona ili drugih vrijednosti u Bosni i Hercegovini ili inostranstvu.

#### II.

Uručivanje javnog priznanja iz tačke I. ove odluke izvršit će se na svečanoj sjednici Skupštine Tuzlanskog kantona koja će se održati povodom Dana državnosti Bosne i Hercegovine.

#### III.

Ova odluka stupa na snagu danom donošenja i bit će objavljena u „Službenim novinama Tuzlanskog kantona“.

Bosna i Hercegovina  
- Federacija Bosne i Hercegovine -  
TUZLANSKI KANTON

Skupština

Broj: 01-02-541-4/21

Tuzla, 21.10.2021. godine

Predsjednik  
Skupštine Tuzlanskog kantona

Sladjan Ilić, v.r.